

**UKA2021/137: Uunga siunnersuut:**  
**Nappaatit tunillaassuuttut akiorniarlugit iliuitsit pillugit Inatsisartut peqqussutaata**  
**allannguutaa pillugu inatsisissatut siunnersuut**  
**(Inatsisartut peqqussutaata atorunnaarsinneqarnissaanut ulluata**  
**allanngortinneqarnera)**

**Ilaqutariinnermut Peqqissutsimullu Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISUTAA**

Ataatsimiititaliap suliarinninnermini uku ilaasortarai:

Inatsisartunut ilaasortaq Agathe Fontain, Inuit Ataqatigiit, siulittaasoq  
Inatsisartunut ilaasortaq Anna Wangenheim, Demokraatit, siulittaasup tullia  
Inatsisartunut ilaasortaq Mikivsuk Thomassen, Inuit Ataqatigiit  
Inatsisartunut ilaasortaq Knud Mathiassen, Inuit Ataqatigiit  
Inatsisartunut ilaasortaq Mette Arge-Hammeken, Naleraq  
Inatsisartunut ilaasortaq Jess Svane, Siumut  
Inatsisartunut ilaasortaq Mala Høy Kukó, Siumut

UKA2021-imi oktoberip 7.-ani siullermeerinerup kingorna siunnersuut ataatsimiititaliap misissorpaa.

**1. Siunnersuutip imarisaa siunertaalu**

2020-mi Inatsisartut immikkut ataatsimiinnerminni nappaatit tunillaassuuttut akiorniarlugit iliuitsit pillugit Inatsisartut peqqussutaata allannguutaa pillugu Inatsisartut inatsisissaattut siunnersuut akuersissutigineqarpoq<sup>1</sup> (Inatsisartut peqqussutaat ulluinnarni taaneqakkajuttoq “nappaalasoqarneranut inatsit”).

Inatsimmut allannguut Covid-19-p nunarsuarmut tamarmut siaruaanneranik siaruaannerullu taassuma Kalaallit Nunaannut ulorianartorsiortitsineranik tunngaveqarpoq,

---

<sup>1</sup> XM2020/18

piginnaatitaaffinnillu annertuunik arlalinnik, ulorianartorsiortitsisumik taassuminnga iliuseqarfiginninnermut sakkussanik pisariaqartinneqartunik pisortanut oqartussanut tunniussinissamik siunertaqartunik imaqarluni.

Allannguutissatut siunnersuut<sup>2</sup> ”piffissaq aalajangersimasup qaangiunnerani atorunnaartussa”-mik taaneqartartup kingunerisaanik nappaatinut tunillaassuuttunut akiuiniarneq 31. december 2021-imi nammineq atorunnaarnissaanik imaqarpoq.

Tamanna sioqqullugu nappaalasoqarnerani inatsimmik nutaamik Naalakkersuisut siunnersuuteqarnissaat siunertarinqarsimagaluarpoq. Inatsisartunut qinersinerup kingunerisaanik inatsisissatut siunnersuut suliassaq eqqarsaataasoq kinguaattoorallarpoq.

Tamatuma saniatigut nappaalasoqarnerani Covid-19-imut akiuiniarnermut inatsisitigut tunngavigineqartut allanggortinneqassappata nappaalasoqarneranut upalungaarsimanermik suliaqartunut ajoqutaaginnarsinnaaneri Naalakkersuisunit nalilerneqarpoq.

Maannamuugallartoq nappaalasoqarneranut inatsimmik nutaamik siunnersuummik saqqummiussinatik allannguutissatut inatsimmik maanna siunnersuutigineqartumik Naalakkersuisut saqqummiussaqrput, nappaalasoqarnerani inatsit ulloq 1. juli 2022-imi tamakkiisumik atorunnaartussanngorlugu (tassa siunnersuutaqaqartoq 2020-mi Inatsisartut immikkut ataatsimiinnermini nappaatit tunillaassuuttut akiorniarlugit iliuitsit pillugit Inatsisartut peqqussutaata allannguutaa pillugu Inatsisartut inatsisissaattut siunnersuut akuersissutigineqarpoq).

2022-imi upernaakkut ataatsimiinnermi siunnersuummik nutaamik Naalakkersuisut saqqummiussinissaat naatsorsuutigineqarpoq.

## **2. Ilaqutariinnermut Peqqissutsimullu Ataatsimiititaliap oqaaseqaataa inassuteqaataalu**

Nunarsuarmi tamarmi tuniluuttoqarneranut atatillugu ataavartumik paasisitsiniaanissaq pisariaqartinneqartoq paasissutissanillu pissarsiniarnermi oqaatsitsigut imaluunniit allatigut aporfeqartoqartarsinnaasoq ataatsimiititaliaq naliliivoq. Tamatuma saniatigut ersarissumik paasissutissiisarnissamik inuiaqatigiinniillu tamanit pissarsiariuminartuunissaanik Naalakkersuisut anguniagaqartuarnissaat, matumani pingaartumik tusilartut, tappiitsut imaluunniit inuit atuarniarnikkut ajornartorsiuteqartut ataatsimiititaliamit eqqarsaatigineqartut nukiit tamaasa atorneqarnissaat, matumani ilanngullugu inuit attaveqaqatigiittarfiisa

---

<sup>2</sup> Nappaatit tunillaassortut akiorniarlugit iliuitsit pillugit Inatsisartut peqqussutaata allanggortinneqarnera pillugu Inatsisartut inatsisissaat nr. 1, 1. april 2020-imeersoq (Tunillaassuinerup pinaveersaartinniarnanilunilu aamma sullissiniarnermi pisariaqartitat il.il. qulakkeerniarneranni iliuseqartoqarsinnaanermut annertusaaneq)

atorneqarsinnaaneri pillugit ataatsimiititaliaq naliliivoq. Qulaani taaneqartut suliassat pingaaruteqartut aqqiiviginiarneqarnerini susassaqtartut akunnerminni suleqatigiinnissaat pisariaqartoq ataatsimiititaliaq naliliivoq.

Siullermeerinninnermi siunnersuutigineqartoq tapersorsorluarneqartoq Ilaqutariinnermut Peqqissutsimullu Ataatsimiititaliamit maluginiarneqarmat

- Siunnersuut akuersissutigineqassasoq ataatsimiititaliap isumaqatigiittup **inassutigaa**
- Periusissiat pillugit, COVID-19-eqarneranut tunngatillugu pilersaarutinin innuttaasut paasissutissilluarneqarnissaasa aammalu susassaqtartut akimorlugit inuiaqatigiinnut tamanut sukumiisumik paasissutissiinissaq pillugit Naalakkersuisut suleqatigiinnissaasa qulakkeerneqarnissaa pillugu Naalakkersuisut kaammattorneqassasut.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

---

Agathe Fontain  
Siulittaasoq  
*Inuit Ataqatigiit*

---

Anna Wangenheim  
*Demokraatit*

---

Mikivusuk Thomassen  
*Inuit Ataqatigiit*

---

Knud Mathiassen  
*Inuit Ataqatigiit*

---

Mette Hammeken  
*Naleraq*

---

Jess Svane  
*Siumut*

---

Mala Høy Kúko  
*Siumut*